

इवनिंग डोगरी न्यूज़ बुलेटिन

समे .18:15 Hrs

<><><><><><>

Headlines

1. जम्मू-कश्मीर आसेआ औंदी 14 ते 15 अप्रैल गी श्रीनगर दे एसकेआईसीसी च जात्तरा सरबंधी ट्रेवल मार्ट दी मेजबानी कीती जाहगा।
2. जम्मू-कश्मीर च बपार-कारोबार गी बढ़ावा देने सरबंधी संगठन -जेके टीपीओ आसेआ औंदी 24 ते 25 मार्च गी एसकेआईसीसी श्रीनगर च एगो एंड फूड फेस्ट बॉयर सेलर मीट दा सरिस्ता कीता जाहगा।
3. जम्मू नगर निगम ने 31 मार्च दी समें-सीमा कोला पैहले-पैहले पानी दे बकाया पेदे बिल भरना जकीनी बनाने लेई पूरे शैह्ला च जागरूकता अभियान रम्भेआ ऐ।
4. देसै दे होरनें हिस्सें आह्ला लेखा जम्मू-कश्मीर च कल ईद दा ध्यार मनाया जाहगा।
5. मौसम विभाग ने जम्मू खित्ते दे केई हिस्सें च अज्ज मौसम खराब रौहने ते कल्लै थमां मौसम च सुधार दी भविक्खवाणी कीती ऐ।

<><><><><><>

Travel Mart

जम्मू-कश्मीर सैलसफा विभाग इस बरे अप्रैल म्हीने कश्मीर ट्रेवल मार्ट दी मेजबानी करग तां जे इलाके दी सैलसफा समर्थ गी प्रदर्शित कीता जाई सकै। मुक्खमंत्री उमर अब्दुल्ला होरें अपने सोशल मीडिया हैंडल दी इक पोस्ट पर लिखेआ जे 14 ते 15 अप्रैल गी जम्मू-कश्मीर सैलसफा विभाग शेर-ए-कश्मीर अंतरराष्ट्री कन्वेंशन सेंटर च कश्मीर ट्रेवल मार्ट दी मेजबानी करने लेई पूरी चाल्ली तैयार ऐ जेहदे च मुल्ख भरै दे 20 शा मते राज्यें

दे तकरीबन डेढ सौ हितधारक हिस्सा लैडन। उनें आखेआ जे इस कार्यक्रम च Oraft सफारी, Curated destination tour ते B2B कन्ने जुडे दे कार्यक्रमें राहें खित्ते दी सैलसफा समर्थ गी उजागर कीता जाह्ग ते मुतल्लका धडें गी कश्मीर दी सगगोसार संस्कृति ते विरसे गी जानने दा मौका थ्होग। उनें आखेआ जे एहू इक महत्वपूर्ण पैहलकदमी ऐ जेहदा मकसद जम्मू-कश्मीर दे सैलसफा गी मजबूत करना ते कश्मीर गी इक प्रमुख वैश्विक सैलसफा थाहर दे रूपै च स्थापित करना ऐ।



Agro Food Fest

बपार-कारोबार गी बढावा देने सरबन्धी संगठन जेकेटीपीओ औंदी 24 ते 25 मार्च गी शेर-ए-कश्मीर इंटरनेशनल कनेक्शन सेंटर एस.के.आई.सी.सी श्रीनगर च राई-बाई ते खाने-पीने आली चीजें गी खरीदने ते बेचने सरबन्धी इक उत्सव यानि जम्मू एंड कश्मीर एग्रो एंड फूड फेस्ट बायर सेलर मीट 2026 दा आयोजन करने जा'रदा ऐ। एहू बैठक 20 कोला मते अंतरराष्ट्री करसानेंते 25 कोला मते राश्ट्री करसानें गी किट्हे इक्के मंच पर आहन्नग ते जम्मू-कश्मीर दी बेहतरीन खाने-पीने आहली चीजें दे बारै च जानने दा मौका उपलब्ध करोआग। एहूदे अलावा इस आयोजन कन्ने जम्मू-कश्मीर च बपार-कारोबार दे मौकें गी बढावा देने च मदद थ्होग ते इस खित्ते दी समृद्ध राई-बाई ते खाद्य समर्थ गी बी उजागर कीता जाह्ग।



JMC Water Bills

जम्मू म्युनिसिपल कारपोरेशन नै शैहर भरै च इक जागरुकता मुहीम शुरु कीती ऐ- जेदे तैहत बसनीकें गी अपील कीती गई ऐ जे ओह 31 मार्च थवां पैहले-पैहले अपने पानी दे बकाया बिल जमा करोआई देन। जम्मू नगर-निगम दे आयुक्त डाक्टर देवांश यादव होरें जल शक्ति मैहकमे गी हिदायत कीती जे ओह लोकें दी सुविधा लेई 12 शिवर कायम करना। एहू शिवर रुपनगर, जानीपुर, कुंजवानी, त्रिकुटा नगर ते छत्री हिम्मत च बी कायम होने लोडचदे। अफसर इस दौरान लोकें गी सहायता उपलब्ध करोआ'रदे न। लोक मौके पर गै बिल जमा करोआ'रदे न ते लोकें दियें समस्याएं दा बी हल होआ'रदा ऐ। करीबन 30 करोड़ रपे अजे बकाया न।



DC-Kathua

कठुआ दे डिप्टी कमिशनर राजेश शर्मा होरें जिले च अज्ज इक गैस एजेंसी दा दौरा लाइयै घरेलू एलपीजी दी उपलब्धता ते बंडु दा जायजा लैता। निरीक्षण दे दरान डिप्टी कमिशनर होरें आखेआ जे जिले च घरेलू एलपीजी दा कोई त्रोट नेई ऐ ते उपभोक्ताएं दी मंग पूरी करने लेई सुद्दा भंडार उपलब्ध ऐ। उ'नें लोकें गी जकीन दोआया ऐ जे एलपीजी दी सप्लाई प्रणाली बडे बवस्थित ढंगे नै कम्म करा'रदी ऐ ते कुसै गी बी घाबबरने दी लोड नेई ऐ। डिप्टी कमिशनर होरें दस्सेआ जे जमाखोरी ते कालाबजारी रोकने लेई टीमां खडेरियां गेदिआं ना।



DC Poonch - VVP

पुंछ दे डिप्टी कमिशनर अशोक कुमार शर्मा होरें जिले दे 133 सरहदी ग्राएं च विकास सरबंधी पैहलकमिएं पर केन्द्रित भारत सरकार दे वाइब्रेंट विलेज प्रोग्राम दे दुए गेड दी समीक्षा लेई अज्ज इक बैठक दी प्रधानता कीती। बैठक दरान डिप्टी कमिशनर होरें जारी कम्में दा आंकलन करदे होई इ'नें ग्राएं च मजूदा ढांचे दे विकास ते कमिएंबक्ख सरकारी मैहकमें दे अधिकारिएं उ-खामिएं दी समीक्षा कीती। बक्ख-'नेंगी इस कार्यक्रम दे तैह्त कम्में दी अमलआवरी सरबंधी स्थिति बारै जानकारी दिती।-

.....

Eid Celebrations

पवित्तर रमज़ान म्हीनें दे समापन दे मौके उप्पर कल देसै दे होरनें हिस्सें आह्ला लेखा केन्द्र शासत प्रदेश जम्मू-बक्ख दिनें पर मनाया जंदा ऐ -कश्मीर च बी कल ईद दा ध्यार मनाया जाह्ग। दुनिया भरै च ईद दा ध्यार बक्ख कीजे एह पर्व चन्द्रमा दे लब्बने पर निर्भर करदा ऐ। इस ब'रे रमज़ान दा म्हीना कुल 30एं दिनें दा रेहा ऐ

जिसलै के पिच्छले बरे एहू 29एं दिनें दा हा। तोआई उपमुखमंत्री सुरिदर चौधरी ते राईबाई मंत्री जावेद डार - होरें बी लोकें गी ईद दे ध्यार दिआं ममारखां दित्तिआं ना।

<><><><><><>

Eid-Celebrations

पवित्र रमजान म्हीने दे समापन दे मौके उप्पर कल देसै दे होरनें हिस्सें आहला लेखा केंद्र शासित प्रदेश जम्मू-कश्मीर च बी ईद दा त्यार मनाया जाह्ग। दुनिया भरै च इद् दा त्यार बक्ख-बक्ख दिनें पर मनाया जंदा ऐ कीजे एहू पर्व चंद्रमा दे लब्बने पर निर्भर करदा ऐ। इस बरे रमजान दा म्हीना कुल 30एं दिनें दा रेहा ऐ जिसलै के पिच्छले बरे एहू 29एं दिनें दा हा। तोआई, मुखमंत्री उमर अब्दुल्ला ते उपमुखमंत्री सुरिंद्र चौधरी सने होरनें मंत्रिएं लोकें गी ईद दे त्यार दिआं ममारखां दित्तियां ना।

<><><><><><>

International Day of Happiness

खुशहाली सरबंधी अंतरराष्ट्री ध्याड़े दे मौके पर अज्ज जम्मू च किश लोकें अपने बचार सांझे कीते ते सकारात्मकता कन्नै जीवन जीने दे महत्व पर जोर पाया। आकाशवाणी समाचार कन्नै गल्ल करदे होई लोकें आखेआ जे सेहतमंद जीवन आस्तै खुशी बड़ी जरूरी ऐ। उनें खुशमिजाज रौहने ते अपने आले-दोआले, खुशनुमा म्हौल बनाई रखने लेई आखेआ। मते सारे प्रतिभागिएं अपने निजी तजुर्वे ते सकारात्मक बचार सांझे कीते ते होरनें गी बी खुशिएं गी अपने रोजमर्रा दे जीवन दा हिस्सा बनाने लेई प्रोत्साहित कीता।

<><><><><><>

Weather

मौसम विभाग दी जानकारी मूजब जम्मू-कश्मीर च अज्ज बी मौसम खराब रौहगा। उच्चियें धारें पर कल उप्परोतली 5में ध्याड़े बी बर्फबारी ते पदरे इलाकें च बरखा करी तापमान च बड़ी मती गिरावट दर्ज कीती गेई ऐ। जम्मू शैहरा च बढ़ोबढ़ तापमान 20 इशारिया 2 डिग्री सैल्सियस दर्ज कीता गेआ- जिसलै के बनिहाल, बटोत ते भद्रवाह च बी हौली शा दरम्याने दर्जे दी बरखा करी तापमान, सामान्य कोला हेठ रेहा ऐ। प्रदेश दियें

मती सारी थाहरें पर अज्ज बी मौसम बदलोखड़ा बने दा रौहग ते केई थाहरें पर हल्की थमां दरम्यानें दर्जे दी बरखा जां बर्फबारी होग। चिनाब घाटी दे उच्चे प्हाडी इलाके सनें दक्खनी कश्मीर च अज्ज भारी बर्फबारी होई सकदी ऐ। तोंआई जम्मू खित्ते दे केई हिस्सें च गरज-चमक कन्नै बरखा बरने, अंधी-झक्खड़ झुलने ते ऐन-गड़ा पौने दे असार दस्से गे न।



Crop-Loses

पिछले 2 दिनें थमां लगातार होई दी बरखें कारण साम्बा जिले दे बन्ने आले रामगढ़ इलाके च मते सारे करसाने गी नुकसान पुज्जा ऐ कीजे खेत्तरे च कटाई लेई तैयार फसलां तेज ब्हाएं ते बरखें कारण खराब होई गेइयां न जेह्दे करी करसाने च बड़ी मती चिंता बनी गेई ऐ। रामगढ़ दे सरहदी इलाके जिआं जे नंदपुर, जेरदा, दग हीरे चक्क ते होर दुए ग्राएं दे करसाने आकाशवाणी समाचार गी दस्सेआ जे उंदी औंदन ते रोजी-रूट्टी पूरी चाल्ली खेती-बाड़ी पर निर्भर करदी ऐ ते बरखें करी फसले गी होए दे नुकसान कारण उंदे लेई चैंता आहली गल्ल बनी गेई ऐ।



Ramban Social Welfare

समाज कल्याण मैहकमा रामबन बे-स्थारा अनाथ बच्चें दी मदद लेई केई सारी वजीफें आहली स्कीमें गी चला'रदा ऐ। एहदा मकसद इनें बच्चें गी माली इमदाद उपलब्ध करोआना, शिक्षा ते जीवन यापन लेई माली सहायता देना ऐ। स्हाडे जिला संवाददाता नै जानकारी दिती ऐ जे "PM CARES" प्रोग्राम तैहत योग्य बच्चें गी हर म्हीने 4 ज्हार रपे दी माली इमदाद दिती जंदी ऐ। एह स्कीम उ'नें बच्चें लेई मुख करी लाहकारी ऐ जेडे अनाथ न। प्रशासन नै योग्य परोआरें गी एदे लेई नां दर्ज करोआने लेई आखेआ ऐ- तां जे बच्चें गी मदद थ्होई सकै ते उं'दा मानै आहले ढंगे सिर गुजर बसर होई सकै।

